



Broj: 02-30-4219/21
Ilidža, 20.09.2021.godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“ broj: 34/03 i 65/13), Općinski načelnik Općine Ilidža, objavljuje

JAVNI OGLAS Za imenovanje općinskog pravobranioca Općine Ilidža

1. Općinski pravobranilac 1 izvršilac

- Imenovanje općinskog pravobranioca se vrši na period od 4 godine, sa mogućnošću ponovnog imenovanja

Opis poslova Općinskog pravobranioca:

Preduzima pravne radnje radi pravne zaštite imovine i imovinskih interesa pred sudovima i drugim organima, kao i u drugim slučajevima zaštite imovine i imovinskih interesa Općine kada je za to ovlašten Zakonom u kojim slučajevima Pravobranilaštvo ima položaj stranke u postupku; preduzima pravne radnje radi pravne zaštite imovine i imovinskih interesa javnih preduzeća, javnih ustanova i drugih pravnih lica čiji je osnivač odnosno suosnivač Općina ako je to aktom o osnivanju predviđeno; vrši poslove zastupanja Općine i javnih preduzeća i javnih ustanova i drugih pravnih lica čiji je osnivač odnosno suosnivač Općina u svim sudskim i upravnim postupcima; daje pravna mišljenja u postupku donošenja općih akata kojima se uređuju imovinsko-pravni odnosi, prava i obaveze prema stvarima i vlasništvu Općine; daje pravno mišljenje prije zaključenja imovinsko-pravnih ugovora; vrši kontrolu zaključenih ugovora o otkupu stanova; daje mišljenja Općinskom vijeću u postupku dodjele gradskog građevinskog zemljišta; obavlja i druge poslove i zadatke iz nadležnosti Pravobranilaštva utvrđene zakonskim i drugim propisima.

Kandidati za imenovanje na poziciju Općinskog pravobranioca pored općih uslova propisanih članom 7.stav 1. Zakona o ministarskim, vladinim i drugim imenovanjima Federacije Bosne i Hercegovine, moraju ispunjavati i posebne uslove propisane Odlukom o pravobranilaštvu Općine Ilidža (“Službene novine Kantona Sarajevo“ broj: 37/19 – drugi prečišćeni tekst):

Opći uslovi:

- da je državljanin Bosne i Hercegovine,
- da je stariji od 18 godina,
- da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
- da se na njega ne odnosi član IX.I. Ustava Bosne i Hercegovine.



Posebni uslovi:

- diplomirani pravnik ili bakalaureat/bachelor prava sa ostvarenih 240 studijskih bodova Bolonjskog sistema studiranja ,
- položen pravosudni ispit,
- najmanje 3 godine radnog iskustva na imovinsko-pravnim poslovima u pravobranilaštvu, pravosudnim organima i drugim državnim organima, preduzećima i drugim pravnim licima nakon položenog pravosudnog ispita,
- posjedovanje najviših moralnih osobina za obavljanje poslova općinskog pravobranioca

Kandidati su dužni uz prijavu koja sadrži kraću biografiju, adresu i kontakt telefon, priložiti sljedeću dokumentaciju (original ili ovjerenu kopiju):

- diplomu ,
- uvjerenje o položenom pravosudnom ispitu,
- uvjerenje o državljanstvu (ne starije od šest mjeseci),
- izvod iz matične knjige rođenih (ne starije od šest mjeseci),
- uvjerenje o radnom iskustvu,
- uvjerenje da se protiv kandidata ne vodi krivični postupak (ne starije od tri mjeseca),
- uvjerenje da kandidat nije otpušten iz državne službe kao rezultat disciplinske mjere u periodu od 3 (tri) godine od dana objavljivanja oglasa ili izjavu da nije radio u državnoj službi,
- izjavu da kandidat nije obuhvaćen članom IX.I. Ustava Bosne i Hercegovine.

Imenovani kandidat će biti dužan dostaviti lječarsko uvjerenje o zdravstvenoj sposobnosti prije preuzimanja dužnosti Općinskog pravobranioca.

Prijave s traženim dokumentima dostavljaju se lično ili poštom preporučeno u zatvorenoj koverti na adresu:

Općina Ilidža, ul. Butmirska cesta br.12, sa naznakom „*Javni oglas za imenovanje Općinskog pravobranioca Općine Ilidža*“, u roku od 15 dana od dana posljednje objave oglasa.

Oglas će se objaviti u „Službenim novinama Federacije BiH“, dnevnom listu „Oslobođenje“ i na web-stranici Općine Ilidža.

Kandidati sa liste u užem izboru bit će pozvani na intervju pred Komisijom za izbor općinskog pravobranioca.

Nepotpune i neblagovremene prijave neće se uzeti u razmatranje.

OPĆINSKI NAČELNIK

Nermin Muzur, magistar uprave s.r.

DOSTAVLJENO:

1. “Službene novine FBiH“
2. Dnevni list „Oslobođenje“
3. Stručna služba za usklađenost, integritet i kontrolu kvaliteta
4. Evidencija
5. a/a

